

## ze swjateho scénja po Janu

Jan 20,1-18

### Prózdny row

<sup>1</sup> Prěnjeho dnja w tydženju rano zahe, hdyž bě hišće ćma, džěše Marja Madlena k rowej a wohlada kamjeń wot rowa wotwaleny.

<sup>2</sup> Tuž běžeše a přińdže k Symanej Pětrej a k druhemu wučomnikej, kotrehož Jězus lubowaše, a praji jimaj: »Knjeza su z rowa wzali, a njewěmy, hdže su jeho položili.« <sup>3</sup> Tuž wuńdže Pětr a ton druhi wučomnik a džěštaj k rowej. <sup>4</sup> Běžeštaj wobaj nadobo, ale ton druhi wučomnik doběža spěšnišo hač Pětr a přińdže přeni k rowej.

<sup>5</sup> Schiliwši so wuhlada tam ruby ležo, ale njezastupi. <sup>6</sup> Nětko přińdže tež Syman Pětr, kiž bě za nim šoł, a zastupiwši do rowa wuhlada tam ruby ležo. <sup>7</sup> Rubno pak, kotrež bě na jeho hłowje było, njeležeše z rubami, ale bě wosebje na jednym městnje zawalene.

<sup>8</sup> Potom zastupi tež ton druhi wučomnik, kiž bě přeni k rowej přišoł, to wuhlada a wěrješe. <sup>9</sup> Přetož wonaj hišće pismo njerozumještaj, zo ma won z mortwych stanyć. <sup>10</sup> Tuž woteńdžeštaj wučomnikaj zaso domoj.

<sup>11</sup> Marja pak steješe płakajo wonka při rowje. A płaćo so wona schili a pohlada do rowa. <sup>12</sup> A wuhlada tam dweju jandželow w bětych drastach sedžo, jednoho k hłowam a jednoho k noham, hdžež bě Jězusowe ćěto ležało. <sup>13</sup> Tej jej prajištaj: »Žónska, što

płačeš?« Wona jimaj praji: »Mojeho Knjeza su wzali, a ja njewěm, hdže su jeho potožili.«<sup>14</sup> To prajiwši wobroći so dozady a wuhlada tam Jězusa stać; njewědžeše pak, zo je to Jězus.<sup>15</sup> Jězus jej praji: »Žónska, što płáčješ, koho pytaš?« Wona, měnjo, zo je to zahrodnik, praji jemu: »Knježe, sy-li jeho ty wotnjest, praj mi, hdže sy jeho potožit, a ja sej po njeho přindu.«<sup>16</sup> Jězus jej praji: »Marja!« Wona so wobroći a praji jemu hebrejski: »Rabuni«, to rěka: Mištrje.<sup>17</sup> Jězus jej praji: »Njedótkaj so mje, přetož njejsym hišće k Wótcej spěť. Dži pak k mojim bratram a praj jim: Spěju k swojemu Wótcej a k vašemu Wótcej, k swojemu Bohu a k vašemu Bohu.«<sup>18</sup> Marja Madlena džěše a powě wučomnikam: » Knjeza sym widžala«, a zo je jej to a to rjeť.